

畿輔通志卷一百九

略六十四 經政十六 郵政二 養濟院 育嬰堂

養濟院 普濟堂功德林附

直省州縣境內凡有鰥寡孤獨殘疾無告之人照收養定額收入養濟院給予養贍銀米人多於額以額外收養其銀米遇閏加增小建扣除按季由該管正印官親身散給印官因公無暇遴委佐貳官代散加結申報各上司查核

戶部則例

州縣收養孤貧察明的實取具鄉約鄰佑保狀收養入院人

給烙印年貌腰牌

於散口糧時查驗

照編甲之法每十名編一甲長

挨次輪充互相覺察遇生事孤貧甲長稟官究治疎縱通同作弊革糧另補孤貧或患疾病官爲撥醫調治若病故給棺掩埋所遺名缺照額頂補其院內房間分別男婦毋使淆雜

戶部
則例

京師五城每城各設棲流所收養貧民凡外來無依及病卧街衢者該坊總甲報官收入該司按名登記循環簿每名日給米一倉升煤炭油菜制錢一十五文隆冬無棉衣者給粗布棉襖一件每所各募本城誠實民人一名月給工食銀五錢責令看管房屋照料在所流民若流民患病報官撥醫調治有在所病故及沿途卧斃者通令報官掩埋官給棺木每口價銀八錢所內應需口糧及修房備棺等費中城歲支銀四百兩東城歲支銀四百七十兩南城歲支銀五百三十兩西城北城各歲支銀六百兩令正指揮赴部承領支銷如有盈餘留於下年備用不得逾欸多支如遇偏災實不敷用都察院奏明加增豐年不得援以爲例按年造冊報部其用過

銀易錢文照時價折合庫平銀數據實報銷

戶部則例

京師五城每歲折給貧民棉衣之費由內務府將應用製備

棉衣生息銀三千兩全數咨交巡視五城御史嚴飭司坊官

詳查人數將所領銀兩照時價易錢分別大小口

小口給錢減大口之

半五城同日散放按人數核算錢數均勻撥給核實報銷

戶部

則例

順治八年戶部題准大興宛平二縣收養孤貧每月給米三

斗銀三錢每年給發六月

大清會典

順治九年初設飯廠以賑貧民五城城設一廠廠日費米二

石作飯銀一兩供炊歲十一月至明年三月終停賑

皇朝通考

順治十年戶部議准大興宛平二縣孤貧銀米每年給發十

月

會典

大清

是年戶部議准五城建棲流所交司坊官管理俾窮民得所

康熙年

京城廣甯門外士民公建普濟堂頒賜

御製碑文又

御書膏澤回春四字

大清會典

京師廣甯門外普濟堂每歲

恩賜崇文門稅銀千兩撥給孤貧口糧銀二百餘兩本堂內地租銀
千餘兩爲養贍孤貧之用

康熙四十七年

諭京城德勝門外功德林冬間貧民就食較普濟堂人數雖減但常

例賞銀一千兩經費尙恐不敷著加恩將京倉內小米賞給一百

五十石以資接濟

皇朝通考

康熙四十九年更定飯廠米數賑期五城議廠煮賑歲十月朔至次年三月二十日止每廠日發米二石銀一兩米行倉廠銀行戶部支領

雍正元年

諭各處養濟院所有鰥寡孤獨及殘疾無告之人有司留心以時養贍毋致失所

雍正二年

諭京師廣甯門外向有普濟堂凡年老無依之人每棲息於此司其事者殊爲可嘉

聖祖仁皇帝曾賜額立碑以旌好義有地方之責者宜時獎勸鼓舞之但年力尙壯及游手好閒之人不得借名溷入其中長浮惰而生事端

雍正三年

諭今冬天氣甚冷京城廣甯門外安定門外養濟院二處將變色米賞給百石煮粥賑濟以安窮民傳諭倉廠即將變色米呈驗然後賞給

乾隆二年以冬月五城貧民就食者多慮有凍餒於道者令各舖總甲每日分巡各該管處所遇卽引赴普濟堂或棲流所晚就棲宿日出就賑春融聽其去留

是年以漕船緯夫率多病棄道斃飭沿河各官就近送入各州縣普濟堂或寺院量給口糧留養

俱同上

乾隆二年戶部議准各州縣設立養濟院原以收養孤貧但因限於地額不能一同沾惠嗣後如有外來流丐察其聲音訊其住址卽移送各本籍收養令各保甲將實在孤苦無依

者開明里甲年貌取具鄰佑保結呈報州縣官驗補足額
外其有浮於額數者亦收養院內動支公項散給口糧仍將
散過額外孤貧口糧名數按年造冊報銷如冒濫剋扣奉行
不力照例參處

大清會典

乾隆三年戶部議准直隸省除通州孤貧七十七名口糧仍
循舊例外其各屬額養孤貧七千二百八十五名每名歲支
口糧銀三兩六錢遇閏加增通於地糧銀內支銷

乾隆五年戶部議覈直隸孤貧花布銀每名歲支二錢七分
八釐其歲支花布銀二千四十九兩二錢有奇由地糧項下
開銷

乾隆六年戶部議准五城棲流所每年用過錢文照時價覈
定庫平據實報銷

乾隆二十年戶部議准直隸額外孤貧口糧花布等銀六百二十六兩於耗羨項下開銷

乾隆二十四年戶部議准大宛二縣孤貧銀兩每銀一兩折

給制錢九百文於糶賣成色米錢內扣留散給如有餘額轉

給養濟院收領

俱同上

乾隆四十四年

諭京城廣甯門外普濟堂冬間貧民較多將京倉氣頭廩底內小米

撥給三百石自是歲以爲常

皇朝通考

京師廣甯門外普濟堂德勝門外功德林歲各

恩賞經費銀一千兩崇文門稅課項下動給每支存由順天府覈銷

戶部則例

京師普濟堂粥廠

恩賞銀五千兩交順天府酌量生息永遠作為經費

嘉慶十三年

旨順天府奏私抽牙用應行入官錢文作為普濟育嬰二堂生息經費一摺著照所請此項入官制錢二千五百餘千即交大興宛平兩縣生息作為該堂經費之用

俱同上

順天府

大興宛平兩縣養濟院額養孤貧共九百六名

每名月給口糧銀三錢口

糧米三斗每銀一兩折給制錢九百文其銀按季咨部請領給放其米按季咨部割倉給發

夏鄉縣養濟院在縣治北額養孤貧二十五名

固安縣養濟院在北門外北街迤北康熙二十二年知縣鄭

善述建額養孤貧二十五名

永清縣養濟院在縣東門外同治十三年知縣李秉衡建額

養孤貧十二名

東安縣養濟院在大南街西衙衙萬厯間知縣阮宗道重修
額養孤貧一名

香河縣養濟院在縣治西北額養孤貧二名

通州養濟院額養孤貧七十七名

每名支米三石六斗遇閏
加支米三斗其米石由通

州關
支

三河縣養濟院額養孤貧五名

武清縣養濟院在城東門外額養孤貧十名

寶坻縣養濟院在縣西北隅額養孤貧二十四名

甯河縣養濟院在縣西門外乾隆四十三年知縣廷牧重

額養孤貧三十二名

昌平州養濟院額養孤貧十七名

順義縣養濟院在隆興寺西額養孤貧三十二名

密雲縣養濟院在縣西北隅萬厯間知縣尹同皋建額養孤貧六名

懷柔縣養濟院在縣治西額養孤貧十四名

涿州養濟院額養孤貧三十六名

房山縣養濟院在草場南額養孤貧二名

霸州養濟院在州北門內西巷額養孤貧九名

文安縣養濟院在北門內額養孤貧十六名

大城縣養濟院在縣治南額養孤貧十四名

保定縣養濟院在東關外額養孤貧二名

薊州養濟院在州西門外額養孤貧五十九名

平谷縣養濟院額養孤貧二十名

保定府

清苑縣養濟院在府治西南額養孤貧九十一名

滿城縣養濟院在縣治東南明宣德八年知縣朱文建奏請
二十八年知縣袁飲儒重修額養孤貧四十七名

安肅縣養濟院額養孤貧九十一名

定興縣養濟院在東林山寺額養孤貧七十名

新城縣養濟院在城內察院衙額養孤貧六十名

唐縣養濟院在縣治東南聖壽寺後額養孤貧五十三名

博野縣養濟院額養孤貧三十四名

望都縣養濟院在北門內知縣李天璣建額養孤貧三十五

名

容城縣養濟院在縣城內西南額養孤貧六十四名

完縣養濟院在城內南街東後巷路北額養孤貧三十七名

蠡縣養濟院在長樂門內大街東額養孤貧八十六名

雄縣養濟院額養孤貧八十八名

祁州養濟院在州治南額養孤貧五十七名

東鹿縣養濟院在南門內慈雲寺西額養孤貧一百五名

安州養濟院在州治西額養孤貧五十二名

舊制新安縣養濟院在察院南

額養孤貧三十名今裁歸安州

高陽縣養濟院額養孤貧五十四名

承德府

承德府養濟院在榛子峪額養孤貧四十名

灤平縣養濟院額養孤貧四十五名

平泉州養濟院額養孤貧

豐甯縣養濟院在縣治同治十年知縣陳本植重修額養孤貧

建昌縣養濟院額養孤貧

赤峯縣養濟院額養孤貧

朝陽縣養濟院額養孤貧

永平府

盧龍縣養濟院額養孤貧九名

遷安縣養濟院在西關外額養孤貧二十名

撫甯縣養濟院在縣治東南額養孤貧九名

昌黎縣養濟院在縣東南額養孤貧十名

灤州養濟院在縣城安巖門內額養孤貧五十名

樂亭縣養濟院在縣北關迎恩橋乾隆間知縣陳金駿建額

養孤貧十二名

臨榆縣養濟院在縣北關外明嘉靖間主事葛守禮建額養

孤貧十名

河間府

河間府養濟院額養孤貧七十六名

河間縣養濟院額養孤貧三十一名

獻縣養濟院在縣治西馬神廟北乾隆三年建額養孤貧二

十九名

阜城縣養濟院額養孤貧十一名

肅甯縣養濟院在東門外乾隆四年知縣周傳有修理額養

孤貧三十一名

任邱縣養濟院在太僕行臺東明洪武八年置奏請十五年

知縣王齊重修額養孤貧四十一名

交河縣養濟院在縣治西南隅額養孤貧二十六名

甯津縣養濟院在縣西關外額養孤貧六十七名

景州養濟院在縣治東北明知州劉添置額養孤貧十二名

吳橋縣養濟院在縣治西光緒元年置知縣倪昌燮典史施

崇禮重修額養孤貧四十四名

故城縣養濟院在城外絃歌巷北額養孤貧十五名

東光縣養濟院在城東額養孤貧九名

天津府

天津府孤貧院在河東額養孤貧六十名

天津縣養濟院在衛城外東南隅龍王廟後明巡撫李繼貞

建額養孤貧四十四名

青縣養濟院在縣城南額養孤貧二名

靜海縣養濟院在縣東街額養孤貧八名

滄州養濟院在州署東南額養孤貧十九名

南皮縣養濟院在縣治東額養孤貧十二名

鹽山縣養濟院在城內西北隅額養孤貧十九名

慶雲縣養濟院在城內西北隅額養孤貧十一名

正定府

正定縣養濟院在縣治東南額養孤貧二百四十二名

獲鹿縣養濟院在縣治西額養孤貧八十五名

井陘縣養濟院在縣城東北隅額養孤貧四十七名

阜平縣養濟院在南關外額養孤貧二十名

欒城縣養濟院在縣治西南額養孤貧四十五名